

# ادبیات عمومی و مجریه

هفته‌لق سیاسی، ادبی و علمی غزته‌در.

جلد : ۱

سنه : ۱ ۱۹ ربیع الاول ۱۳۳۵ جمعه ایرتسی ۳۱ کانون اول ۱۳۳۲ نومرو ۱۱

نورعینم افندم حامدم نخبینه ۲۱ کانون اول سنه ۱۹۱۶

بورایه کله‌لی سکا نیچون مکتوب یازمدم . نیچون یازمدم . بیلیمورم . غالباً کندیمی شمدی بیلیمکه باشلادیغمدن دولایی ! برمدتدنبری بوراده سنکه برابرم . اشتغال، توغلم سنکه ! «فینتن» بوراده ، مطالعه ایتدم ، حالا او قویورم ، او قومقلا بیتمز بر کتاب ! کتابه کائنات کی . کتابک سامی ، هوای نسیمی ، بهاری ، شتایی ، قصوری ، نقصانی وار ! کتابه طبیعت کی . فکری صورتدیگ بو کتابکه داثر هرکس کی بنده بر ایکی کله سویلیه حکم .

اثریکک تیاتروییه نسبتی پک آز . لوندریه عائدیتی ده پک جوق دکل . کزیده شاعر شیخ غالبک باشلارکن یری کوکی بربرینه قاتان حسن وعشق مقدمه قیامت نمونک بردوام متکاملی ، ویاخود سراسر ونهایت درجه لیزیک بو کتاب نفی نک بر بیوک قصیده سندر ، دهانک بر نظریه سی . Berne سفارته کلان غزته لرك ایچنده او قویوب تکمیلنه وقت بوله مندیغم جناب شهاب الدین بکک مطالعه سیده ندیمک - قلبک تشریح طی احراری مستثنا - دلربا بر غزلی ! اوزرنده قیامت لر قوپان بر دکزک دالغه لری فینتنی داوالاجیرونک بولندیغی واپورک کوکرتنه سنه آتیور . امواج پیانی رسی حادثات اره سنده مجرای امله بو قدر موافق و مصادف بو دالغه غالباً آغوش عاشقانه دن ده آرزو خشین ایش که واپورک اوزرینه براقیر براقز داوالاجیروییه دوغری قوشه رق «ایشی» صوریور . معلومیا . اوسترا لیا ده کی قوجه سنی اولدیرمک ایشی . فینتنی بو دریای بی انتهای متموجک ایچندن ایصالیمه رق چیقمش ظن ایدیوردم . صیرصیقلام دیورسک . اوله من . کیجه لری قعرندن نبعان ایده رک دکزلرده کزن خیال ، ویا سماندن ییلدیزلریله اینه رک دکزه کیرن لیل ایصالیمز .

شکسیر ، و یقتور هوغو ، سن تیاترو پیه سلریک زده بر قنبور ، برجوجه ، نواقص و یازواند خلقت ، منکسر و منقرض جسملر ایچنده فریاد ایدر روحلر تصویر ایدیورسکن . فقط اونلرک کده عدم موفقیت خلقت اولان بو مستثنالر آز . سنک کنده جوق ، آهنگ عمومی طبیعتی ، وصحت طبیعی خلقتی اخلاص ایدن بو مستثنالرک کثرتی جهتیله ، اثریکک بعض یرلری تیاترولقدن چیقارق .

## تاریخ حرب

[ ۲۲ - ۲۸ کانون اول ۱۳۳۲ ]

بوهفته، شرق جبهه سندن غیری جبهه لرده، سکون قطعی حکمفرما ایدی دینه مرسته ده، حرب حاضرک معظم محاربه لرینه نسبتله عادی صایله جق مصادمه لردن باشقه برشی یوقدی .

فرانسز جبهه حربنده اوافق تفک قاره غول مصادمه لری وهوا ترصداته مساعد اولدجه طوپیجی فعالیت کورولیور. ایتالیان جبهه سنده، بوتون هفته آوستریا-مجار تبلیغری شایان قید برشی اولمادیغنی بیلدیردیلر . ما کدونیا جبهه سنده فعالیت صوک درجه خفیفله مشدر . یالکز ساحل جهتده مستا قاره صویی ایله استروما قاره صویی آراسنده کائن شهر وقصبه لری دشمنی سفائن حربیه سی علی الدوام یومباردمان ایتکده درلر. بونک برماهیت حربیه دن زیاده برماهیت غیرانسانیه بی حائر اولدینی میدانده در.

روس جبهه سنده : بوهفته ( ریغا ) ایله ( دونابورغ ) آراسنده اپی فعالیت حربیه اولدی . آلمانلر ( دونابورغ ) شهرینک شمال غریب سنده ( دونا ) نهرندن کچه رک روسلرک الندن برآطه بی آلمشلردی . روسلر برهفته قدر بیهوده غیرتلر صرف ایتدکن صوکره بورایی استرداده موفق اولدیلر. کذلک ساحل بحر ایله ( فره درنخستاد ) و ( ریغا - میتاو ) یولی آراسنده و ( عا ) نهرینک شرقنده ده تعرضه کچه رک بش آلتی کوندر علی الدوام هجوملرده بولونیورلر . احتمال که بوتعرضلریله ، تا جنوبده بوغدانده ما کنزه نک شدید تضییق آلتنده قالان جبهه لرینی قورتامق ایسته یورلر . فقط ، هر نه قدر برآز اراضی قازانغه موفق اولدیلر سده بوتون آلمان جبهه سنی ذره جه متأثر ایدمه یه جکری محققدر.

آلمان ارکان حربیه سی دائماً اک علیده احتماللری درپیش ایتکده اولدیغندن ، رومن جبهه سنده کی تعرضی قطعی وصا غلام حساباته مستنددر . ایکی بچق سنه ک محارباتدن صوکره روس ارکان حربیه سنک بو حقیقی تقدیر ایده جکی شبهه سز ایسه ده ، فنا حالده مضطرب اولان روس افکار عمومیه سنه قارشی حرکتسز دوریور کوروئه مک مجبوریتنده در .

رومانیا جبهه سنده فعالیت حربیه کمال شدتله بردوامدر . کچن نسخه مرده « رومن جبهه سنده یک مهم بر دوره ده بولندیغمزی ، ( ماچین ) سر کوپری موضعنک ضبیطی کچیکمیه جکنی و بویله جه بوتون دوبریجه نک المزه کچه جکنی ، کله جک نسخه مرده خصمک ( سهرهت ) مستحکم خطندن طردینی یازه بیلله جکمی قویاً ظن ایتدی کمزی « قید ایله مشدک . بوتون بو مطالعات تحقیق ایتدی : دوبریجه ده ماچین ضبط ، دشمنک صوک دمدارلری دوبریجه دن طرد اولوندی . ( ابرائیل ) و ( فوقشانی ) موقع مستحکم لری المزه کچدی و دشمنک ( سهرهت ) خط مستحکمی شدتله صارصیلدی . هنوز زورلا غادیه بیلله زورلا غمق اوزره بولونیور.

دوبریجه نک استیلا سی صوک درجه مهمدر . دوبریجه قطعه سی تقریباً ۲۳ بیگ کیلومتر و مربعی اراضی بی حاویدر. افرنجی کانون اول اواسطنده قوتلریمز هنوز باباطاغک جنوبنده و ( خرشوه ) جوارنده برجه طوتیورلر ایدی . روسلر بورادن طرد ایدلکدن ایکی هفته قدر برمدتده شماله دوغری ۷۰ کیلومتر و قطع ایدرک تکمیل دوبریجه بی استیلا ایتدک . و ۳ - ۴ یوز مترو ارتفاعنده تپه لرله محاط اولان دوبریجه نک شمال غریب سنده و یک مستحکم بولنان ( ماچین ) ده معنده مقاومت ایتک

ایستہین دشمنی قطعاً طردایلدک . شیمدی طونہ نہرینک ، ( سہرہت ) نہری منصبندن قرہ دکزہ قدر اولان قسمی استثناییدیلیرسہ ، آلمانیا ایچریلرندن ابراہیل ایلرینسہ قدر قسمی تمامیلہ مناقلا تیزہ کشادہ در . بونک قیمت عسکریہ و اقتصادیہ سی درکاردر . یاقیندہ دشمنک ( سہرہت ) خطندن طردیلہ ، الان دشمن اندہ قالان و شیمدی طوب آتشمز آلتندہ بولنان شمال ساحلی دہ المزہ کچہ جکدر . آلمانیا دن قرہ دگیرہ قدر آجیلاجق بر طونہ نک سوق الجیشجہ فوق العادہ اہمیتی واردر و بالطبع بوندن استفادہ ایدہ جکز .

کچن نسخہ مزیدہ خبر ویردیکمز سہرہت خطی محاربہ سی جریان ایتدی وایدیور . ماچینک سقوطیلہ ابراہیل شہری شرقدن تہدید ایدلیدی کی جنوبندن دہ جہہ سی یاریلان دشمن بوراسنی تخلیہ یہ مجبور اولدی . ۶۵ پیک قدر نفوسلی اولان بوشہر انشاآت بحریہ دستکاہلریخی ، ذخیرہ آتزرہ پولریخی حاوی صوک سیستم قاسیساتلی و ( قالاص ) ایلہ برلکدہ برنجی درجہ دہ بر ذخیرہ اخراجات لیمانی و آتزیجہ مستحکم بر سرکوپری موضعی ایدی . ضبطی پک مہمدر .

رومن جہہ سندہ یالکز کندی قوتلریلہ مدافعہ ایتکدہ اولان روسلردن اولکی کون ( فوقشانی ) شہر مستحکمی دہ ضبط ایدلیدی . روسلر ایکی کون مقدم ( فوقشانی ) موقع مستحکمک شرق جنوبی سندہ ۲۵ کیلو مترو عرضندہ بر جہہ ایلہ بویوک بر تعرضہ کیریشمشلر ، فقط بش اون کیلو مترو ایلریلہ یہ بیلاہرہک بوتعرضلری آغیر ضایعاتلہ ( اوبیلہ شتی ) جوارندہ توقیف اولمشدی . روسلرک بوندن مقصدلری فوقشانی بی تہدید ایتکدہ اولان احاطہ حرکتک تضیقنی کویا تخفیف ایدی . حالبوکہ فوقشانی نک غربندہ کاش ( اودوبہ شتی ) موقعی و بونک یانندہ کی ۱۰۰۰ مترولق بر ذروہ طرفزدن ضبط ایدلشدی . مستحکم و صارپ طاغلق حوالیدہ ایلریلہ یں قرمری قلہ قہرمانی جنرال ( دملہ نزیغن ) وفون ( مورغن ) قطعانی فوقشانی بی بالہجوم آلدیلر . بورادہ کی روس قوتلری طرفزدن تعقیب ایدلکدہ اولدینی کی ( سہرہت ) جنوبندہ تعرضہ کیریشمش اولان روس قوتلری دہ آرتق کری چکیلکہ مجبور اولدیلر .

بومہم مظفریتدن صوکرہ دشمن آرقہ دہ دیگر بر خطدہ طوتونامادیعندن ( سہرہت ) نہرینک صول ساحلنہ چکیلکہ مجبوردر . جہہ سندہ آجیلان بویوک کدیکدن صوکرہ دشمنک ( سہرہت ) خطی دہ صارضیلمشدر . یاقیندہ جنرال ( کہروق ) قطعانی دہ ( پوتنا ) و ( سوسیتا ) وادیلرندن و دہا یوقاریلردن ( سہرہت ) اوواسنہ اینک اوزرہ در . ظنمزجہ دشمن سہرہت خط مدافعہ سندہ دہا زیادہ طوتونامایہ جقدر . دشمنک بورادن چکیلہ سی ایسہ تا بوقووینا و غالیچایہ قدر روس جہہ سنی متأثر ایدہ جکدر . آرتق اوکزدہ جنوبی روسیہ یہ کچہ جک بر ( پروت ) خطی وارکہ بودہ مظفر بر اردو ایچون بویوک برشی دکلدر .

عنائلی جہہ لزندہ بویوک حرکات یوقدر . قافقاسیہ جہہ سندہ لہمزہ کشف مصادمہ لری اولقدہ در . ایران جہہ سندہ دشمن ہمدان شرقندہ کی موضع لریمزہ و ( دولت آباد ) موقعنہ تعرض ایتکدہ ایسہ دہ موقعیتلہ طرد اولنقدہ در . دجلہ جہہ سندہ ( امام محمد ) موقعندہ آلتی طایورلق بر دشمن قوتنک تعرضی دفع اولمشدر . سائر جہہ لریمزہ شایان اشعار برشی یوقدر .